

CONVENIO DE COLABORACIÓN ENTRE A CONSELLERÍA DO MAR E A "FUNDACIÓN NUEVA PESCANOVA", PARA ORGANIZACIÓN DA "GLOBAL SUSTAINABLE SEAFOOD GALICIA FORUM" EN 2023.

En Santiago de Compostela, na data e hora da sinatura dixital

REUNIDOS

Dunha parte, D. Antonio Basanta Fernández, en calidade de director xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a ORDE do 21 de febreiro de 2022, da mesma consellería, publicada no DOG núm. 41, do 1 de marzo e, de conformidade co Decreto 50/2021, do 11 de marzo, polo que se aproba a estrutura orgánica da Consellería do Mar.

E doutra, José María Benavent Valero, en calidade de persoa física representante de NUEVA PESCANOVA SL Patrón ou Presidente da FUNDACIÓN NUEVA PESCANOVA, con sede en Rúa José Fernández López, s/n, 36320, Chapela-Redondela (Pontevedra), inscrita no Rexistro de Fundacións con data 4 de outubro de 2022, actuando na súa representación, de conformidade coa escritura de constitución de 1 de setembro de 2022 outorgada polo notario José Luis Espinosa de Soto co número 2192 do seu protocolo.

EXPOÑEN

PRIMEIRO:

Que as administracións públicas poden asinar convenios de colaboración con entidades pertencentes ao sector privado, segundo dispón no artigo 6 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do parlamento Europeo e do Consello 2014/23/UE e 2014/24/UE, de 26 de febreiro de 2014, sempre que o seu obxecto non estea comprendido na dita lei ou en normas administrativas especiais.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galega, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

A "FUNDACIÓN NUEVA PESCANOVA" é una institución que persegue o fomento, a financiación, o desenvolvemento e a execución de todo tipo de actividades que, en relación coas actividades pesqueiras, acuícolas, de elaboración e comercialización contribúan, entre outros, ó desenvolvemento sostible nas vertentes sociais, medioambientais e económicas e á investigación, desenvolvemento e innovación, e á divulgación. Nesta liña de actuacións é a organizadora da "GLOBAL SUSTAINABLE SEAFOOD GALICIA FORUM" en 2023, **polo que non sería posible promover a concorrencia competitiva con outras asociacións do sector** para o desenvolvemento deste investimento de carácter inmaterial.

CUARTO:

Á Consellería do Mar, de acordo co establecido no artigo 2 da Lei 11/2008, de pesca de Galicia, desenvolve unha política pesqueira que ten por finalidade a viabilidade duradeira do sector pesqueiro, marisqueiro e acuícola galego, garantindo a mellora das condicións de vida e traballo das persoas que se dedican a estas actividades mediante a explotación sustentable, equilibrada e responsable dos recursos baseada nun asesoramento científico sólido e tendo en conta os aspectos ambientais, económicos e sociais.

Entre as competencias que ten encomendadas, a realización de accións de promoción e de posta en valor desa sostibilidade dos produtos do mar galegos fronte ao consumidor final constitúe un dos principais eixes da política de mellora de comercialización pesqueira, xa que logo, repercute directamente sobre a demanda deses produtos.

Neste sentido, e dentro do marco de actuacións da Consellería do Mar, figuran como accións fundamentais deste proceso a participación e colaboración da consellería con entidades significativas que teñan como finalidade dar a coñecer, entre outros, os produtos procedentes da pesca extractiva.

QUINTO

O Regulamento (UE) núm. 508/2014 do Parlamento Europeo e do Consello, relativo ao Fondo Europeo Marítimo e de Pesca, dentro do Eixo 5, e no artigo 68, recolle que o FEMP poderá apoiar medidas de apoio á comercialización e á transformación (Medida 5.1.3. Medidas de comercialización), encamiñadas a aplicar unha política de calidade e valorización.

Así pois, o obxecto do acordo considérase que cumpre cos requisitos de elixibilidade (S) establecidos no Programa Operativo do FEMP 2014-2020 de España para o Obxectivo/Medida do FEMP, 5.1.3: Medidas de comercialización.

Así mesmo, consideraranse elixibles (S) tódolos custes segundo o previsto no artigo 69 do REGULAMENTO (UE) Nº 1303/2013 DO PARLAMENTO EUROPEO E DO CONSELLO do 17 de decembro de 2013 polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e da Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca.

Polo tanto, de conformidade co disposto no artigo 95 do REGULAMENTO (UE) Nº 508/2014, a porcentaxe do investimento elixible será do 100%.

SEXTO

Que por canto a Consellería do Mar e a FUNDACIÓN NUEVA PESCANOVA están interesados en potenciar un debate global en Galicia para a busca de propostas para unha mellor sustentabilidade dos produtos do mar nas súas tres vertentes, social, ambiental e económica e da imaxe internacional de Galicia como líder en sustentabilidade dos produtos do mar, compre establecer as condicións que permitan a coordinación de accións de promoción dos produtos pesqueiros e acuícolas.

Polo tanto, no marco do presente convenio desenvolveranse diversas accións de promoción do sector e mellora da comercialización coa organización da "GLOBAL SUSTAINABLE SEAFOOD GALICIA FORUM", a celebrar o 24 de abril de 2023, de forma presencial e telemática, sendo esta actividade de mutuo interese para ambas entidades, sendo que esta actividade redundará nunha mellora do sector pesqueiro.

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLAÚSULAS

PRIMEIRA.- OBXECTO DO CONVENIO

O obxecto do presente convenio é establecer as bases de colaboración entre a Consellería do Mar e a FUNDACIÓN NUEVA PESCANOVA para a realización de diversas accións de promoción da mellora da imaxe de sustentabilidade da Galicia e o sector marítimo pesqueiro coa celebración da "GLOBAL SUSTAINABLE SEAFOOD GALICIA FORUM" en 2023. As accións específicas que se van realizar derivadas deste obxecto son as que seguen:

1. " GLOBAL SUSTAINABLE SEAFOOD GALICIA FORUM ":

Por parte da FUNDACIÓN NPVA:

- Promocionar e organizar a asistencia á "GLOBAL SUSTAINABLE SEAFOOD GALICIA FORUM" de representantes de todos grupos de interese rexional, nacional e internacional relacionados coa la sustentabilidade dos produtos do mar.
- Definir todos os asuntos a debater nas sesión da "GLOBAL SUSTAINABLE SEAFOOD GALICIA FORUM".
- Organización previa do evento.
- Elaboración, edición e distribución da documentación necesaria.
- Xestión da axenda dos poñentes.
- Dirección técnica, produción e comunicación.

Por parte da Consellería do Mar:

- Apoio á organización do evento (que inclúe gastos de persoal, sede, medios audiovisuais, edición de programas, intérprete, etc.).
- Apoio á calidade dos contidos do Congreso a través da programación de poñentes de recoñecido prestixio.

SEGUNDA.- CONDICIÓN ECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar á FUNDACIÓN NUEVA PESCANOVA polos gastos nos que incorre como consecuencia de levar a cabo as actuacións obxecto do convenio, cifradas na cantidade de noventa e seis mil setenta e catro euros (96.074 €), con cargo á aplicación orzamentaria 15.02.723B 640.0, código de proxecto 2016 00286 S, dos presupostos xerais da Comunidade Autónoma de Galicia para 2023, sendo esta partida económica axeitada para asumir o custo desta acción por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

As actuacións recollidas no presente convenio son financiáveis, nun 75 %, co Fondo Europeo Marítimo da Pesca (FEMP). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMP: 5.1.3: Medidas de comercialización, prevista no artigo 68 do Regulamento (UE) 508/2014, do 15 de maio. Esta participación farase constar en todas cantas actuacións se realicen ao abeiro deste convenio.

A FUNDACIÓN NUEVA PESCANOVA empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Farase un único pago contra da presentación das facturas polos investimentos inmateriais realizados, aos que se xuntarán certificacións actualizadas expedidas por cadansúa administración que acrediten que a entidade está ao corrente nas súas abrigas tributarias e sociais, así como que non ten débedas pendentes contraídas coa Administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

A FUNDACIÓN NUEVA PESCANOVA aportará unha declaración doutras axudas para a mesma finalidade do convenio e xunto coa documentación presentará a conta de resultados en relación á finalidade do convenio que abranza todos os gastos e ingresos nos que se incorra na organización do evento obxecto do convenio.

Para facer efectivo o pagamento presentarán a memoria á que se fai referencia na cláusula terceira seguinte.

TERCEIRA. OBRIGAS

A FUNDACIÓN NUEVA PESCANOVA obrígase a realizar as accións especificadas na cláusula primeira do presente convenio.

No marco do presente convenio, a FUNDACIÓN NUEVA PESCANOVA obrígase a facer constar a participación da Xunta de Galicia e do Fondo Europeo Marítimo e de Pesca (FEMP) nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio. A documentación acreditativa das actividades descritas no parágrafo primeiro deberá ser presentada á Consellería do Mar antes do 30 de novembro de 2023.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a FUNDACIÓN NUEVA PESCANOVA responsable das abrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMIENTO.

Aos efectos de coidar do cumprimento de estipulado no presente convenio créase unha Comisión de Seguimento do mesmo, que estará composta polo xefe do Servizo de Mercados, en representación da Consellería do Mar, e polo Presidente, ou persoa na que éste delegue, en representación de FUNDACIÓN NUEVA PESCANOVA. A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio. Esta Comisión de Seguimento garantirá ademais que as aportacións financeiras que se comprometan a realizar os asinantes non superan os gastos derivados da execución do convenio.

Neste senso, a FUNDACIÓN NUEVA PESCANOVA atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.-VIXENCIA

A vixencia do presente convenio estenderase desde a súa sinatura e ata o 30 de novembro de 2023, non sendo susceptible de prórroga.

SÉTIMA- RESOLUCIÓN

Serán causas de resolución do convenio las previstas legalmente. En caso de resolución do convenio, os efectos da mesma, rexeranse polo establecido na lei.

OITAVA.- CARACTER DO CONVENIO

Este convenio ten a natureza dos previstos no artigo 6 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do parlamento Europeo e do Consello 2014/23/UE e 2014/24/UE, de 26 de febreiro de 2014; e o seu réxime xurídico virá determinado polas estipulacións previstas no propio convenio e os principios xerais resultantes da citada Lei de Contratos

A tramitación do presente convenio é ordinaria e anticipada de gasto e existe crédito suficiente previsto no proxecto de orzamentos da Comunidade Autónoma para o exercicio 2023, aprobado o 18 de outubro de 2022 polo Consello da Xunta, e xustifícase porque é necesario comezar coas actuacións recollidas no convenio nos primeiros meses de 2023. O desenvolvemento do presente convenio queda sometido á condición suspensiva da existencia de crédito axeitado e suficiente para financiar as obrigas derivadas da súa execución.

NOVENA.- LITIXIOS

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola Comisión de Seguimento á que se refire a cláusula quinta anterior. Se non se puidera alcanzar dita acordo, as posibles cuestións litixiosas serán de coñecemento e competencia da arde xurisdiccional contencioso- administrativa.

DÉCIMA. PROTECCIÓN DE DATOS

De conformidade có Regulamento (EU) 2016/679 de Protección de Datos de Carácter Persoal (RGPD), ambas Partes quedan informadas de forma inequívoca e precisa de que os datos de carácter persoal que se facilitan neste convenio, así como calquera outro que sexa facilitado ó longo do mesmo, serán tratados con total confidencialidade e serán destinados á xestión e cumprimento adecuado das relacións que, no marco do convenio sexan establecidas.

Conforma a base legal do tratamento a xestión e execución do convenio, no que ambos interesados son Partes, non estando previstas as cesións de datos a terceiros, salvo que algún deles decida elevalo a público.

Los interesados podrán exercer os dereitos de acceso, rectificación y, en ocasiones, limitación al tratamento, o calquera outro recoñecidos pola lexislación aplicable, nos termos legalmente establecidos, dirixindo por escrito á outra Parte, nas direccións indicadas no encabezamento, salvo que algunha de las Partes fixe explicitamente outro canal ou procedemento.

Para a prestación das actuacións incluídas neste Contrato, non se prevé que ningunha das Partes deba acceder a datos de carácter persoal da outra. Se esta circunstancia cambiase nalgún momento, en cumprimento do Artigo 28.3 do RGPD, as Partes subscribirán o correspondente acordo de encarga de tratamento que regule devandito acceso, que deberá ser incorporado como Addenda ao Convenio

UNDÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os

asinantes outorgan o seu consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto no lugar e data ao comezo indicados.

Pola Consellería do Mar
P.D. (Orde do 21/02/2022, DOG núm. 41,
do 1/03/2022

Pola FUNDACIÓN NUEVA PESCANOVA

O director xeral de Pesca, Acuicultura e Innovación Tecnolóxica O Presidente padroado NUEVA
PESCANOVA SL

Antonio Basanta Fernández

José María Benavent



ANEXO A: Orzamento das actividades do Convenio entre a Consellería do Mar da Xunta de Galicia e a "FUNDACIÓN NUEVA PESCANOVA", para organización da "GLOBAL SUSTAINABLE SEAFOOD GALICIA FORUM" en 2023.

	APORTACIÓN FUNDACIÓN NUEVA PESCANOVA			APORTACIÓN CONSELLERÍA DO MAR		
CONCEPTO DO GASTO	BASE IMPONIBLE	IVE	TOTAL	BASE IMPONIBLE	IVE	TOTAL
Organización previa (diseño web, plataforma inscripción, imagen/logo)	7500 €	1575 €	9075 €	7500 €	1575 €	9075 €
Comunicación y captación asistentes	11200 €	2352 €	13552 €	11200 €	2352 €	13552 €
Señalética, material y documentación para asistentes, merchan	7000 €	1470 €	8470 €	7000 €	1470 €	8470 €
Servicio digital para la webinar, interpretes	7500 €	1575 €	9075 €	7500 €	1575 €	9075 €
Evento y personal de evento	17500 €	3675 €	21175 €	17500 €	3675 €	21175 €
Catering(evento), Viajes, comidas, seguros transportes y alojamientos ponentes (25)	28700 €	6027 €	34727 €	28700 €	6027 €	34727 €
total	79400 €	16674 €	96074 €	79400 €	16674 €	96074 €